

DISSERTATIO MEDICA,
INAUGURALIS,
DE
DIARRHOEA:

2500 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

DISSERTATIO MEDICA
INAUGURALIS,

DE

DIARRHOEA:

QUAM

ANNUENTE SUMMO NUMINE,

Ex Auctoritate Reverendi admodum Viri,

GULIELMI ROBERTSON, S.S.T.P.

ACADEMIÆ EDINBURGENÆ PRÆFECTI,

NEC NON

Amplissimi SENATUS ACADEMICI consensu,

Et nobilissimæ FACULTATIS MEDICÆ decreto;

PRO GRADU DOCTORATUS,

SUMMISQUE MEDICINAM HONORIBUS ET PRIVILEGIIS

RITE ET LEGITIME CONSEQUENDIS;

ERUDITORUM EXAMINI SUBJICIT

EDMUNDUS BUTLER, HIBERNUS.

Ut alimenta sanis corporibus agricultura,

Sic sanitatem aegris medicina promittit.

CELSUS.

Ad diem 18 Julii hora locoque solitis.

EDINBURGI:

CUM TYPIS ACADEMICIS.

M,DCC,LXIII.

Digitized by the Internet Archive
in 2019 with funding from
Wellcome Library

<https://archive.org/details/b30543101>

DISSERTATIO MEDICA

INAUGURALIS,

DE

DIARRHOEA.

QUANDO in corpus humanum cogitationes adhibemus, patebit, ut puto, nullam ejus mirae machinae partem aequè morbis obnoxiam esse ac canalis iste quem nos intestinalem appellamus; hic enim commune est receptaculum omnium ingestorum, five medicamenta sint five nutrientia.

PHARMACA, (licet medici etiam peritissimi manu administrata,) propositum aliquando frustrent, et sic nociva fiant.

QUOAD alimentum, five quod eâ ingerimus sub specie, morbis innumeris ansam praebeat, non solum ut corporis nutritioni

A

interdum

interdum inimicum, sed, quamvis primo saluberrimum, a multis tamen hic confertis plicis et flexuris variis, retentum, non solis intestinis ipsis, verum reliquo etiam corpori, morbos variorum inducat generum; inter quos Diarrhoea, quae sequenti suppeditat tractatui argumentum, infimum non videtur tenere locum.

PRIUSQUAM in hoc me accingo notari idoneum videtur, quod nonnullis familiare fit alvum deponere liquidum, etiam aliquo sine sanitatis detrimento, imo aliquando benignae nixus est naturae, ad morbos quosdam avertendum: ipse pronunciavit HIPPOCRATES, (a) “Juvenes qui humidum alvum habent, melius se habere quam illi quibus ficcior alvus est;” et alio in loco (b), “Raro contingere febres ardentes illis, qui laxiorem alvum habent.”

NONNUNQUAM Diarrhoea critica est, et alia solvit mala; sed quando ipsa, ut morbus invadit, et medici mereatur attentionem,

(a) Aphor. 53. Sect. 2.

(b) De aere, locis et aquis, Charter. tom. 6. p. 190.

nem, facile a symptomatibus nunc recensendis cognoscetur.

DEFINITIO.

DIARRHOEA, Graecis, Διαρροια a διαρρέω, quod a *διά* per et *ρῆω* fluo, apud medicos pro frequenti et copiosa per alvum excrementorum liquidorum egestione usurpari solet, sine febre concomitante, torminibus vel tenesmo, quae diarrhoeam inter et dysenteriam discrimen constituunt. Aliquas fortasse praeberet subdivisiones hic morbus, pro materia excreta, qualis biliosa, serosa, &c. Sed de hac re postea.

SYMPTOMATA.

HAEC sunt, primo, appetitus prostratus; sitis; pulsus lentus; color faciei pallidus; borborygmi et ructus putridi. Si longius maneat, accedit virium dejectio; membra omnia languida, et oculi tristes deveniunt;
postea

postea egeritur mucus; si vero evacuentur cum torminibus sanguis, et aliquando intestinorum ramenta, Dysenteriae potius assumit appellationem.

RATIO SYMPTOMATUM.

Appetitus prostratus.] Quando aliqua (qualis in hoc morbo) reperitur primis in viis haerere saburra, nauseam et appetitum prostratum creare experiëntiâ docemur; quod, a nervis ibi confertis, ingrato tentatis stimulo, oriri videtur.

Sitis.] Ex tribus causis originem sumere potest hoc symptoma. 1^{mo}, A corpore in genere, assiduo liquidi per intestina transitu, sicciore reddito. 2^{do}, Verisimile est, hoc in morbo aliquid stimulans sanguini inesse (ut postea probare conabor) ad quod mitigandum naturâ admonemur. 3^{tio}, A liquido in causa prima memorato, acriore facto vel magis putrido, et inde primas stimulando vias.

Pulsus

Pulsus lentus.] Omnia quae vim vitae cito exhauriunt, pulsum reddunt magis lentum; evacuationes subitae praesertim, hoc efficiunt; sed haemorrhagiâ largâ exceptâ, nulla potentius, quam alvi fluxus.

Color faciei pallidus.] Causis duabus pendere potest hoc symptoma, 1^{mo}, Sanguis adeo inspissatur, ut per capillaria immeabilis sit; vel 2^{do}, Si Diarrhoea diu duraverit, sanguinis pars rubra soluta fiat, ut in scurbuto.

Borborygmi et ructus putridi.] Intestina sanissimorum, ab aëre raro libera sunt, qui generatur praecipue ab alimento putrescente; et ex WEPFERI experimentis patet, si quandoque acria illis applicentur, in diversis partibus alterne contracta et relaxata fiunt, et aër incarcerata exitum petens, sursum et deorsum continuo propellitur, sonitum hujusmodi producens; majorem vero habeat potestatem borborygmus producendi stimulus, quando canalis alimentorum crassiorum vacuus sit, et ejus diameter strictior reddatur.

Virium dejectio, membra languida, et oculi tristes, pulsûs lenti causam exhibent; haec etenim imbecillitatis sunt sequelae.

Muci

Muci egestio.] Sub canalis alimentaris tunica musculari posita sunt multae glandulae, et cryptae, mucum intestinorum cavitati suppeditantes, quo a faecuum acrimoniâ fervantur ; sed quando aliquis major applicatur stimulus, vel ipse fit acrior mucus, frequentiores et validiores aguntur in motus intestina, et citius abraditur hicce mucus, et evacuatur ; hoc tamen raro accidit donec morbus diutius duraverit, et in propinquo est dysenteria. Mucus aliquando spumescit, quam speciem, ab intestinorum accelerato acquirit motu, et ab aëre incluso. Quoad intestinorum ramenta, ab auctoribus memorantur quibusdam ; sed credo, rarissimè, si unquam, in simplici evenire diarrhoea, potius vero dysenteriae succedere.

C A U S A E R E M O T A E.

Ex omnibus quibus cruciatur morbis genus humanum, vix unus invenietur majorem causarum praedisponentium catervam, quam
hicce,

hicce, numerans, ut posthac patebit. Prima, et fortasse frequentissima, est

Bilis vitium.] Bilem, (ex saponacea qualitate et leni stimulo) ad cibi subactionem et assimilationem omnino necessarium esse, observando quid in Regio accidit morbo, facile apparebit. Nam in hoc morbo felli, in intestina denegato introitu, induratissima semper exprimuntur scybala; contra, si nimis abundaverit, sive acrior sit, diarrhoeam facile producat; sic choleram aliquamdiu protractam sequitur alvi profluvium periculosissimum, quia bilis, copiose nimis secreta, et in intestina partim demissa, acrimoniam calore ibidem acquirit. Praeterea extraneum quoddam in intestinis cum bile misceatur, quod eam mutandi potestatem habeat, qualia acida quando nimia adsunt proportionem; haec enim efficiunt ut saponacea ejus qualitas plus justo augeatur, quae vi attenuante succum intestinalem solvat, et diarrhoeam producat. Sed meum non est in rebus perscrutari tam minutis. Videbantur Veteres, bili soli hujus morbi

morbi attribuere causam, ut in scriptis passim extat.

Prohibita perspiratio.] Quanta ab hac coercita salutari excretionē oriuntur mala, a SANCTORII, et omnium de re medica scribentium, auctoritate docemur. Inter illa mala diarrhoea non rarissimè evenit, et olim immortalis pronunciavit HIPPOCRATES, “Cutis raritas alvi densitas, et vice versa” intelligi potest.” Haec (suppressio scil.) frequentissima fortassis, intemperiei hujusce, bili excepta, causa ponatur; quare autem intestina versus determinaretur, explicatu difficilior est. Sed extrorsum ire impedita, qua data porta ruit, et ad renes nisi, nusquam proclivius influit quam horsum. Sic patet, quare lecto, sive alio calido de loco, surgens quis, et corpus frigidae exponens aerae, saepe brevi post levia patiatur tormina, et mox liquidum deponat alvum; hoc praesertim accidere observatur in locis paludosis et humidis degentibus, qui huic maxime obnoxii sunt morbo. Idem quoque accidere videtur quando subito aëris a calore ad frigus (praesertim si nebulosum sit coelum) transitus

transitus est ; sed hic solus non est morbus ab hac productus causa, ut ipse dicens notavit HIPPOCRATES*, “ Austri vero corpora exsolvunt et humectant, graviditatem capitis, auditum gravem et vertigines faciunt in oculis, et in corporibus difficultatem ad motum, et alvos humectant.” Hoc ab aëre, humiditate saturato, pendet ; nunc qui materiam per cutem excretam attrahendi potestatem non habet, unde introrsum vertitur. Frigus pedibus applicatum, in nonnullis delicatulis, alvi fluxum non raro producit, quod universalem per sympathiam ab inductâ strictione in corporis superficiem oriri videtur, et perspirationis prohibente exitum. Haec causa HOFFMANNO notatur, qui dicit †, “ Notum quoque est, ex incessu nudis pedum plantis in pavimentum frigidum, necnon improvida pedum refrigeratione, cutem per omnem corporis ambitum stringi, et tormina ventris nonnunquam cum alvi fluxu arcessi.” Si igitur aliqujus fluidi acrioris copia in primis viis di-

B

lapsa,

* Aphor. cum sect. 3.

† Tom. I. sect. 1. cap. 5. p. 315.

lapsa, huic occasionem det malo, haud concipere difficile erit, quomodo ab hoc fonte originem ducat. Omne igitur quod salutiferam hanc prohibet eliminationem, diarrhoeae causa remota haberi queat; sic animi nonnulla pathemata, qualis moeror, ei causam suppeditent; etiam timoris eam produciendi exempla extant.

URINAE secretionem vel excretionem impeditâ, eam produci aliquando observatum est; secretionem scil. quia sanguinis pars acrior, quae per urinam elui debet, nunc retenta, sanguinem solvit; et excretionem, quae iisdem explicari queat principiis ac

HYDROPS, qui alvi fluxui causam aliquando praebentem observatus est; quando enim humor aquosus per absorbentia in sanguinis fertur massam nimia quantitate, in intestina eodem deponitur modo ac materies perspirabilis prius memorata.

ERROR in dieta. Hoc saepissime meritò incusatur quia innumera sunt mala ab eo orta, sed praecipue culpantur cibi non facile assimilati, et fermentabiles, qualis panis Azymus, &c. et ut notabilis,
utar

utar auctoris verbis*, “Videmus saepe, infantibus, quos, parentes inopiâ pressi, crudis farinosis non bene fermentatis, quotidie nutriunt, tumere abdomen infarctum indigestili tali cibo, alvum tardam esse, et lentam continuam febrem miseros depascere, tandemque in Diarrhoeam et Dysenteriam incidere et mori.” Fructus immaturos vel etiam horaeos, nimis magna copia ingestos, Diarrhoeae saepissime occasionem dare, annunt plerique medicorum; a fermentali horum fructuum qualitate hoc pendere videtur. Sic, locis ubi vinum paratur pomaceum, vidi in negotio occupatos, si liquorem hunc recenter expressum avidius hauserint, diarrhoeâ poenas luisse; similes a cerevisia fermentanti affectus occasionem videre nuper habueram; fermentatio quae his suppeditat effectibus causam optime a corporis juvatur calore.

ACIDUM. Ab hac causa praecipue in infantibus accidit et delicatulis; in talibus enim irritabilitas insignior est primarum viarum, et facilius in spasmos convelluntur a minimo
etiam

* Van Swieten, com. in Boerh. aphor. § 586.

etiam stimulo. Ab eadem causa in infantibus a vermibus oriri saepius observatur.

Hic incongruum non est intestini intussusceptionem ponere ; cujus, exemplum nostro occurrebat Anatomiae Professori.

CIBUS nimis oleaginosus aliquando vituperari meretur ; sic apud TULPIUM habetur *, “ Quod gracilis et tenera mulier, afflicta frequentius, sive febre tertiana, sive ab obstructa liene, excrevit tandem quotidie, per quatuordecim et amplius menses, plurimum flavescientis adipis stercore incumbentis, instar butyri liquefacti ; atque tali quidem copia, ut aliquot vascula replere potuisset.”

IPSE observavi saepius, inter nostratum pauperes, (quibus mos est, statim anni temporibus) cum carnem suillam perpinguem magna deglutirent quantitate, quòd, quamdiu persistant recentem vel insalitam eandem edendo, eos perpetuò laborare diarrhoeâ. Hoc, a lubrica carnis qualitate solummodo oriri, non videtur ; si enim res sic se haberet, nonne potius lenteriam passi fuissent ? Sed a calore,

* Lib. 3. cap. 18. p. 208.

calore, olea etiam blandissima, rancida et acria fieri sensibus patet, et inde potius alvi dejectio deducitur.

Hic memorare idoneum videtur hypercatharsin five purgantium nimis acrium effectum; haec enim non solum cum intestinis ipsis in contactum venientia, verum etiam remotae corporis parti applicata, eundem efficere effectum aliquando observata sunt. Sic, nonnulla ex fortioribus catharticeis, qualia colocynthus, abdomini applicata, alvum ciere visa sunt; similiter helleborus pedibus adhibitus, alvum ducendi potestatem habet. Casum sequentem, huic congruum, a celeberrimo anatomiae Professore nuper audiui. Puellae 12 annos natae, post variolas, prope malleolum apparebat tumor, qui disrumpebatur. Ab ulceris fundo in tibiae cavitatem apertura erat pollicibus plus duobus excavata, cui turunda ex aloe, myrrha et melle facta, immissa fuit. Quamdiu in hac persistebatur methodo, perpetuam passa est alvi purgationem puella, aloe autem omissa, brevi desit.

ABSCESsus

ABSCCESSUS. Pus in cavo corporis loco collectum resorberi posse venosis osculis, sanguine misceri, et postea in intestina deponi, docent observata; sic apud VAN SWIETEN insigne hujus habetur exemplum, “(a) Nobili viro in bellico conflictu cubitus trajiciebatur globulo plumbeo, sic ut cubiti os fractum esset, et dein gravia plurima symptomata, una cum febre continua, accederent; simulque satis magnus abscessus vulneris locum et vicina occuparet. Cum jam maturi abscessus aperturam faciendam statuissent chirurgi, ingens Diarrhoea vulneratum corripuit, statimque omnis tumor membri vulnerati evanuit; visumque fuit, ingentem puris copiam alvo excretam fuisse. Et dum postea novo pure tumeret abscessus, ortâ de novo Diarrhoeâ, illud evacuatum fuit; hocque modo periculosum satis vulnus sanabatur.”

IN multis etiam casibus, materies peccans alicujus morbi huc transferatur; sic, oritur aliquando purgatio, a sanie caustica anginae; aliquando ab arthritidis materia; etiam
post

(a) Com. in BOERH. aphor. vol. I. p. 706.

post variolas saepissime evenit. Multae aliae hujusmodi Diarrhoeae causae numerari queant, illae tamen praecipuae sunt.

C A U S A P R O X I M A.

QUICUNQUE cathartorum in primis viis recte intelligit operationem, quodammodo Diarrhoeae cognoscat causam proximam ; ex quodam stimulo eam pendere verisimillimum videtur ex observatione irritantium in corporis partes diversas teneras, effectuum : sic acre quid in oculum stillatum, copiosum inducit lachrymarum fluxum ; in os ab eodem, saliva invitatur ; sternutamentorum actione in narium teneram membranam mucus copiose deducitur. In tubam alimentarem ideo, a tali causa fit humorum influxus ; vasis enim exhalantibus, innumeris fere, donantur, et nervi per omne punctum fere distributi, irritabilitatem ejus arguunt. Sine aliquo tamen stimuli gradu, ingestorum digestio non recte perficitur, neque intestina in motum excitantur peristalticum,

ticum, quo assimilatur alimentum, corporisque nutritioni aptum redditur. Sed si quacunque de causa ita irritantur primae viae, ut per motum hunc vermicularem, (validiorem et celeriores) illa quae in iis continentur, citius ad anum veniant, non dabitur tempus requisitum ut venae absorbentes omne liquidum exhaustire possint, quod nunc intestinorum motu propellitur in copia nimis magna; sed frequentius movebitur alvus et liquida erunt excrementa, id est, aderit Diarrhoea.

P R O G N O S I S.

AD certam faciendam prognosin nonnulla notari necesse est de quibus nunc mentionem faciemus.

Imo, MATERIAE excretæ copia et consistentia. Si per Diarrhoeam tollatur superabundans quidam in corpore humor, (quavis sanus fuerit,) vel expellatur noxia aliqua materia, integris aegri viribus, bonus erit effectus et eventus salubris. Contrarium

rium autem obtinet, ubi bonorum humorum jactura fit, vel vires aegri validam ferre nequeant evacuationem. Criticâ quandoque diarrhoeâ tollitur in morbis illud, quod a sanitatis legibus sic recesserat, ut cum reliquis humoribus, absque functionum laesione, per vasa fluere non potuit. Verum postquam ejecta fuissent de corpore haec noxia vel superflua, nocebit diarrhoea, si ulterius pergat: Sic notat HIPPOCRATES *, “ In alvi perturbationibus et vomitionibus sponte abortis, si quidem, qualia oportet purgari, purgantur, confert et facile ferunt; sin minus, non.”

NONNULLI hunc fluxum ad statum tempus perdurare limitabant, antequam aliquid incommodi induxerit; sed minus recte affirmant, quoniam ab aegroti viribus potius judicatio fieri oportet.

MAGNI olim estimabatur color et consistentia excrementorum, et non pauca ab iis deducebantur prognostica; sed haec praetermittenda sunt ut incerta fortassis, et sufficiat tantum observare, Quo magis a statu

C

recedunt

* Aphor. 2. sect. 1. Charter. tom. 9. p. 5.

recedunt naturali, et colorem ad nigrum vergentem, cum odore putrido, acquirunt, eo pejus: Monstrat, enim, humores corporis in genere, et ipsa intestina, in corruptionem progredi.

2do, MORBI causa remota in mente habenda est; quaecunque enim ex causis pro-catarcticis, ad corpus debilitandum, magis tendit, fluxum excitando et morbum amplificando, indicat majus periculum. Nam, secundum BOERHAAVIUM*, “ Si continuatur diu fluxus, viscera abdominalia magis magisque in eundem morbum disponit; eadem labefactat; excoriat; inflammat; reliqua autem vasa et viscera emungit, exhaurit; hinc atrophia, macies, debilitas, dysenteria, inspissatio fluidorum per totum habitum corporis; solidorum laxitas; fluidorum jactura; leucophlegmatia; hydrops; tabes.”

3tio, ÆTAS aegroti. Quo debilius corpus, eo pejus aliquam feret evacuationem; in senibus praecipue, quorum natura in siccitatem tendit, et ideo succis semper indigent,

* Aphor. 721.

gent, magis notabile erit ; hinc apparet, quam funestum est eis, aliqua fluidi jactura. Juvenes vero, qui succis luxuriantur et robore, facilius eam ferunt. Infantibus mitius fere accidit ; quibus quodammodo familiare est alvum deponere laxum ; sed in his, si medicamentis non sedetur, aequè mala evadit ac in provectiore aetate, et eosdem producit effectus. His addi possint, feminae, quae magis sunt laxae et debiliores quam viri, maxime periclitantur illae quando gravidae sunt ; quare HIPPOCRATIS dictum*, “ Mulieri utero gerenti, si alvus multoties profluat, abortûs periculum est :” quia exhaustis sic vasculis non superest quod in una muliere duo corpora simul sustineat.

4to, ALIA excreta. Haec notari merentur ; nam quando per unum alveum exeunt omnia liquida, reliqua secernentia organa, suis privata humoribus, varia patiuntur mala ; et igitur † “ Bonum praebet signum debita urinae excretio, cum denotat, intestina

* Aphor. 34. lib. 5.

† Van Swieten, com. § 722.

testina non demittere omnia ingesta, sed, e contra, liquida, venosis osculis resorpta, sanguine misceri, et dein per renes excerni. Cum autem naturaliter per urinam illa exeant de corpore, quae jam acriora facta nocerent, admodum probabile videtur, hoc modo excerni posse talia, quae ad intestina delata irritantem stimulum facere possint.” Ob easdem causas copiosa perspiratio curationem pollicetur.

DIARRHOEA in initio neglecta diu perduret. Auctor supra memoratus in BOER. aphor. 721. ita dicit, “ Vidi sic in pauperibus a malo victu ortas Diarrhoeas, neglectas in initio, per annos durasse, neque sanari potuisse, quacunque demum methodo tentarentur; licet nulla signa adessent corruptorum viscerum, vel latentis cujusdam in corpore vomicae; sed mera tantum laxa debilitas intestinorum, et viscerum abdominalium, pertinacem morbum facere viderentur.”

SI causa Diarrhoeae in primis viis haereat, tunc longe facilius curationem admittit, quam si a vitio cujusdam visceris, vel
quavis

quavis externa de causa oriatur ; quia loco affecto applicentur remedia, et in hoc plerumque casu mitior est morbus.

ULTIMO, inter lethalia Diarrhoeae signa, praecipua sunt :

1mo, SINGULTUS, qui diaphragmatis est convulsio ; et in hoc morbo, a diaphragmatis cum intestinis sympathiâ, oriri videtur.

2do, LETHALEM dixit HIPPOCR. alvi dejectionem quae sine sensu exit ; nunc enim paralytica fiunt intestina et insensilia fere. Sed hanc tantum fecit prognosin, si non deliraverint.

IN phthificis lethalem esse alvi fluxum qui colliquativus dicitur, idem monuit author, quia corpus cito exhaurit ; sed fluxum periculosum potius quam lethalem velle videtur.

METHODUS MEDENDI.

IN hujus morbi curatione, innumerae traduntur methodi ; cum vero causae Diarrhoeae generales diversae sunt, atque singulae

gulae harum ab aliis, et quidem admodum variis, pendeant, patet evidenter, nullam universalem ejus curandae methodum tradi posse ; et prout causa varia est, ita methodus, quae in quatuor hisce sequentibus consistit.

1mo, MATERIAM peccantem corrigendo.

2do, EAM corpore eliminando.

3tio, MOTUM intestinorum sedando, et

4to, INTESTINA roborando.

1mo, MATERIAM peccantem corrigendo. Quando acidum hujusce morbi causa est (quae fere levissima est, infantibus delicatulisque praecipue accidens) facile perficitur medela, ea exhibendo quae acidum enervandi potestatem habent, qualia testaceorum diversa genera, et alia absorbentia, inter quae Magnesia alba palmam praeripit ; quia acidum non solum corrigendi potestatem habet, verum etiam tunc lene fit catharticum. Huic fini quoque inserviunt creta et diversae sigillatae terrae, earumque praeparationes, qualia, julap. cretaceum, et decoct.

decoct. japonicum, Pharmacopoeiae Edinensis.

SCIMUS alkalinum cum acido unitum quicquid dare neutrius participans, et ideo neutrum dictum ; quare cum ab acido oriri Diarhoeam certi facti sumus (quod a viride faecuum colore et eructationibus acidis percipitur) alkalinum aliquando cum successu exhibeatur, quale sp. cor. cer. prae caeteris. Si viscida et simul acrior bilis, vel rancidum pingue intestinis adherens, Diarrhoeae causa fuerit, danda sunt diluentia et saponacea ; ut infusum panis tostii ; mel ; rob. sambuci, et similia : haec enim obvolventi et inviscanti donantur potestate, et ideo prosunt acriores humores mitificando et inertes reddendo ; et simul interna intestinorum superficies iisdem sic munitur, ut acria minus illam irritare et laedere possunt ; ob hanc rationem aquae diluenti adduntur mollissima, qualia, althaeae, malvae, &c. folia, flores, radices ; decoct. avenae, &c. hîc addi possit aqua hordeata et aqua in qua cocta fuit oryza ; sed observandum est, haec nocere quando a laxitate oriatur malum.

2do, EAM corpore eliminando. Omnium citissima Diarrhoeae curatio obtinebitur, si sursum vel deorsum expelli possit illud, quod stimulo suo morbum fecit; et observationes practicae docent, per vomitum faelicissime curari, et, ut ipsius utamur CELSI verbis*, “ Illud quoque scire oportet, quod ventrem vomitus solutum comprimit.

HAECCE curatio non a materia peccante ejecta solum pendere videtur, sed a vi fortasse emeticorum, motum intestinorum peristalticum invertendo. Inter emetica efficacissima et simul tutissima numerari solet rad. Ipecacoanhae, quae, praeter vomendi potestatem, aliqua virtute specifica hoc in malo donari supponitur. Antimonialia proxime notari merentur; caute tamen exhibenda, quoniam acria plerumque sunt.

QUOAD cathartica, non raro ab iis solis perficitur sanatio, sed eo melius si praegressa fuerit vomitio; mitissima vero esse debent. Nullum fortasse huic melius convenit, quam Ipecac. prius memorata, in dosibus

* Lib. I. cap. 3. p. 32.

dosis parvis et repetitis exhibita, tunc enim purgans fit. Inter alia cathartica leniora, rhabarbarum praecipue, praescribi solet, quia virtute aliqua adstringente gaudere videtur. Rhabarbarum simul cum ippecac. junctum, egregium dat remedium.

Non praetermittenda sunt sudorifica et diuretica, quae, materiam peccantem per alium divertendo alveum, sanationem perficiunt; pulvis DOVERI optime huic respondit indicationi.

3^{tio}, MOTUM intestinorum sedando. Si ab aucto intestinorum motu oriatur alvi fluxus, nihil faelicius medelam perficit opiatis, quibus solis non raro absolvitur sanatio, sed maximum suum habent effectum quando prius eliminetur intestinorum saburra. Haec quoque sudorem ad corporis superficiem determinant. Post vomitoria ideo et cathartica praecipue indicantur. Hoc in loco memorandum est enema de amylo cum opio.

4^{to}, INTESTINA roborando. Hoc omnino necessarium esse facile apparebit, quia fluxus in tempus longius perdurans, non solum tubum ipsum alimentarem laxum et debileni

D

reddet,

reddet, verum etiam totum systema eodem modo afficiet: hunc igitur in finem a medicis passim laudata sunt leniora adstringentia et roborantia. Adstringentia, enim, si caute exhibita, magni plerumque commodi; sin minus, mali eveniunt; si enim adstringentibus alvi fluor sistatur antequam noxii humores expulsi fuerint, gravissima saepe sequuntur mala; hisce vero expulsis, maximi sunt usûs. Apud FORESTUM*, duo habentur casus Diarrhoeae solo mespilorum immaturorum usu sanatae. Hic quoque profunt chalybis praeparata diversa; haec autem majoris momenti fiunt cum aromatico quodam juncta, qualis cinamomo, cujus efficaciam experimento probavit celebris HALESIUS†. Nonne in hoc stadio prodesset cortex Peruvianus?

INTER adstringentia memorari meretur lignum Campachense, commodum nulli alteri fortassis secundum, saepissime praebens, si tempestive exhibitum.

CELEBRE et efficax remedium a nonnullis cortex Simaraubae decantatur, et saepius in
stadio

* Lib. 22. cap. 1. tom. 3. p. 47.

† Haemastat. exper. 17.

stadio hujus morbi pessimo auxilium attulisse dicitur, vi etiam Ipecacuanhae specifica deficiente.

ULTIMO, aqua calcis cum lacte mista, adstringente et roborante qualitate, salutare evadit remedium, etiamsi diu duraverit morbus, et intestina laxa et debilia fuerint.

HAUD parvi momenti est, Diaetae consideratio, quae restaurans esse debet, qualis oryzae semen in lacte coctum, fago, falep, gelatina cornu cervi, jura carniū, et similia.

POTUS sit parcior, ex infusione panis tosti in aqua, vel ex vino rubro cum eadem aqua diluto, pro potu communi. Aliquando unus et alter cyathus vini meracioris aegro concedendi sunt: Hisce omnibus rite peractis, lene exercitium ultimo instituendum est prout aegri vires ferre possunt.

QUANDO Diarrhœa symptomatrica est danda sunt medicamenta morbum primigenium debellando apta.

1871

1871

1871

1871

1871

1871

1871

1871

1871

1871

1871

1871

1871